

† . † . †

بابا حبيبى ...

انت عارف إنى مش عارفة أقولك إيه ، لكن دلوقتى أنا فعلاً مش عارفة أضعاف أضعاف اللى قدسك متعود عليه . لإنى لو قولتلك :-

- ' إديك ' ... هبقى واحدة مش فاهمة إن حالك دلوقتى أفضل من كل حال وموجود فى أحلى مكان بتحبه .
 - ' وحشتنى ' ... ببقى بتهمك إنك مش حاسس بيا ودا مش حقيقى لأنك فعلاً عارف إنك وحشتنى .
 - ' تعالى ' ... هبقى أنانية . لأنى هاحرمك من مكان جاهدتله مدى حياتك . صحيح أنا بحبك لكن تربية إيدك عمرها ما تكون أنانية .
 - ' محتاجالك ' ... هتقول لى أنا وعدتك وقولتلك مش هسيبك وحتى لو سبتك برضو هبقى معاكى . وأنا واثقة فى وعدك ليا .
 - ' إوعى تنسانى ' ... هبقى بأنكر صلاتك اللى بترفعها عنى قدام رب المجد وحاسة بفاعليتها فى كل حاجة بمر بيها .
 - ' حضنك وحشنى ، حسسنى بوجودك ' ... هبقى بكذب . لأنى فعلاً حاسة بوجود روحك معايا ومحاولانى .
 - لكن أنا صعبان عليا قوى إنك تسمعنى وتشوفنى وتكون جنبى وأنا مش شايفاك .
- †. طبعاً يا بابا بعد الكلام دا إتأكدت إنى فعلاً مش عارفة أقولك إيه ..

لكن فيه حاجة مهمة عارفاها ..

- ضرورى تشكرلى بابا يسوع وماما العدرا على هديتهم (أبونا يسطس) وتواضعهم وإستجابتهم لتوسلات الغير مستحقين .
- متشكرة على كل حاجة عملتهاى وعلمتهاى ويا رب بصلاتك ما أكونش أنانية وأقدر أعلمها لغيرى بالمحبة .
- متشكرة لأنك علمتنى ضربة الدُفّ والتريانتو . وإنك جبتنلى دُفّ وأنا مازلت فى إنتظار التريانتو منك وتنفيذ كل وعودك ليا لأنك فعلاً موجود .

بحبك يا أحلى هدية من أبويا رب البشرية
رغم فعلى الخطية إتحنن وإداك ليّا

وردتك

† مرمى الغالى †

إلى من تحبه نفسى وتشتاق عيناى إلى رؤياك وقلبي لسماع كلماتك الحنونة .
أبويا الحبيب يسطس لسانى عاجز انه يناجيك بس حبيت أقولك إنى بجد بحبك ومشتاااااا لىك ياغالى .
أذكرنى أمام عرش النعمة .

‘الغير مستحقة بنتك‘